

敕修陝西通志

第九函
第十冊

陝西通志第八十四卷

德音二

漢高帝元年冬十月西入咸陽十一月召諸縣豪傑曰父老苦秦苛

法久矣誹謗者族耦語者棄市吾與諸侯約先入關者王之吾嘗

王關中與父老約法三章耳殺人者死傷人及盜抵罪餘悉除去

秦法吏民皆安堵如故凡吾所以來為父兄除害非有所侵暴母

恐且吾所以軍霸上待諸侯至而定要束耳

漢書高帝本紀

二年冬十一月都櫟陽使諸將畧地繕治河上塞故秦苑囿園池

令民得田之

漢書高帝本紀

正月大赦罪人

史記高祖本紀

二月癸未令民除秦

社稷立漢社稷施恩德賜民爵蜀漢民給軍事勞苦復勿租稅二

歲關中卒從軍者復家一歲六月壬午立太子赦罪人

漢書高帝本紀

四年十一月漢王西入關至櫟陽存問父老置酒

漢書高帝本紀

十年秋七月癸卯太上皇薨萬年赦櫟陽囚死罪已下

漢書高帝本紀

十一年夏四月令豐人徙關中者皆復終身

漢書高帝本紀

惠帝五年九月長安城成賜民爵戶一級

冊府元龜

文帝二年春正月丁亥詔曰夫農天下之本也其開藉田朕親率耕

以給宗廟粢盛民謫作縣官及貸種食未入未備者皆赦之

漢書

文帝本紀

景帝七年免徒隸作陽陵者

史記景帝本紀

一中元四年秋赦徒作陽陵者死罪

漢書景帝本紀

武帝建元三年春賜徒茂陵者戶錢二十萬田二頃

漢書武帝本紀

元朔三年秋城朔方城令民大脯五日

漢書武帝本紀

元狩三年秋舉吏民能假貸貧民者以名聞減西北地上郡戍卒

半徙貧民於關西及朔方以南新秦中

秦始皇遣蒙恬攘卻匈奴得其河南造陽之北

千里地甚好於是為藥成評徒民居之民名曰新泰四方雜錯奢儉不同今俗名新富貴者為新泰由是名也七十餘萬

口衣食皆仰給於縣官數歲貸與產業使者分部護之冗蓋相望

費以萬計湘府元龜

元鼎四年冬十月行幸雍祠五時賜民爵一級女子百戶牛酒漢書

武帝本紀

六年詔曰農天下之本也泉流灌浸所以育五穀也左右內史地

名山川原甚眾細民未知其利欲為通溝瀆畜陂澤所以備旱地

今內史稻田租挈重不與郡同其議減令吏民勉農盡地利平糶

行水勿使失時漢書溝洫志

元封二年六月詔曰甘泉宮內中芝產九莖連葉上帝博臨不異

下房賜朕弘休其赦天下賜雲陽都百戶牛酒漢書武帝本紀

昭帝始元三年秋募民徙雲陵賜錢田宅漢書昭帝本紀

四年夏六月徙三輔富人雲陵賜錢戶十萬秋七月詔曰比歲不登民匱於食流庸未盡還往時令民共出馬其止勿出諸給中都

官者且減之

漢書昭帝本紀

元鳳二年六月詔曰朕閱百姓未贍前年減漕三百萬石頗省乘

輿馬及苑馬以補邊郡三輔傳馬其令郡國毋斂今年馬口錢三

輔太常郡得以菽粟當賦

漢書昭帝本紀

六年夏詔曰夫穀賤傷農今三輔太常穀減賤其令以菽粟當今

年賦

漢書昭帝本紀

宣帝本始二年春以水衡錢為平陵徙民起第宅

漢書宣帝本紀

三年大旱令三輔民就賤者且毋收事盡四年

漢書宣帝本紀

給官役也師古曰收謂租賦也事謂役使也盡本始四年而止

漢書

四年春正月詔曰蓋聞農者興德之本也今歲不登已遣使者賑貸困乏其令大官損膳省宰樂府減樂人使歸就農業丞相以下至都官令丞上書入穀輸長安倉助貸貧民民以車船載穀入關者得毋用傳

漢書宣帝本紀

地節三年冬十月詔池籩未御幸者假與貧民流民還歸者假公

田貸種食且勿算事

漢書宣帝本紀

元康三年六月詔曰前年夏神爵集雍今春五色鳥以萬數飛過屬縣翱翔而舞欲集未下其令三輔毋得以春夏摘粟採卵彈射

飛鳥具爲令

漢書宣帝本紀

四年八月賜故右扶風尹翁歸子黃金百斤以奉其祭祀

漢書宣帝本紀

詔曰朕夙興夜寐以求賢爲右不異親踈遠近務在安民而已扶風翁歸廉平鄉正治民異等早天不遂不得終其功業朕甚憐之

其賜翁歸子黃金百斤以奉其祭祀

冊府元龜

神爵元年上行幸甘泉行所過毋出田租

文獻通考

五鳳元年夏赦徒作杜陵者

漢書宣帝本紀

元帝初元元年三月以三輔太常郡國公田及苑可省者振業貧民

貲不滿千錢者賦貸種食六月以民疾疫令大官損膳減樂府員

百苑馬以振困乏九月詔曰間者陰陽不調黎民飢寒無以保治

惟德淺薄不足以充入舊貫之居其令諸宮館希御幸者勿繕治

太僕減穀食馬水衡省肉食獸

漢書元帝本紀

二年春正月行幸甘泉郊泰畤賜雲陽民爵一級女子百戶牛酒

三月詔罷水衡禁園宜春下苑少府飲飛外池嚴籞池田假與貧

民

漢書元帝本紀

罷建章甘泉宮衛角抵省禁苑以予貧民減關中卒五

百人轉穀振貸窮乏

漢書食貨志

三年六月詔曰蓋聞安民之道本由陰陽者陰陽錯謬風雨不

時朕之不德庶幾群公有敢言朕之過者今則不然媮合苟從未

肯極言朕甚憫焉永惟丞庶之飢寒遠離父母妻子勞於非業之

作衛於不居之宮恐非所以佐陰陽之道也其罷甘泉建章宮衛

令就農百官各省費條奏毋有所諱有司勉之毋犯四時之禁丞

相御史舉天下明陰陽災異者各三人漢書元帝本紀

永光元年春正月行幸甘泉郊泰時赦雲陽徒賜民爵一級女子

百戶牛酒高年帛行所過毋出租賦漢書元帝本紀

成帝建始二年詔曰迺者徙泰時后土於南郊北郊朕親飭躬郊祀

上帝皇天報應神光並見三輔長無共張繇役之勞赦奉郊縣長

安長陵及中都官耐罪徒減天下賦錢算四十漢書成帝本紀

鴻嘉元年二月壬午行幸初陵赦作徒以新豐戲鄉為昌陵縣奉

初陵賜百戶牛酒 漢書成 帝本紀

永始元年七月詔曰朕執德不固謀不盡下過聽將作大匠萬年

言昌陵三年可成作治五年中陵司馬殿門內尚未加功天下虛

耗百姓罷勞客土䟽惡終不可成朕惟其難怛然傷心夫過而不

改是謂過矣其罷昌陵及故陵勿徙吏民令天下無有動搖之心

漢書成 帝本紀

四年春正月行幸甘泉郊泰畤賜雲陽吏民爵女子百戶牛酒

寡孤獨高年帛 漢書成 帝本紀

元延四年三月甘露降京師賜長安民牛酒 漢書成 帝本紀

哀帝建平元年太皇太后詔外家王氏田非冢塋皆以賦貧民 漢書 哀帝

經本

平帝元始元年正月遣諫大夫行三輔舉籍吏民以元壽二年倉卒

時橫賦斂者償其直義陵民塚不妨殿中者勿發漢書平帝本紀

東漢世祖建武二年十一月勅馮異曰三輔遭王莽更始之亂重以

赤眉延岑之酷元元塗炭無所依訴今之征伐非必畧地屠城要

在平定安集之耳諸將非不健鬪然好擄掠卿本能御吏士念自

修勅無為郡縣所苦後漢書馮異傳

五年五月丙子詔曰久旱傷麥秋種未下朕甚憂之將殘吏未勝

獄多冤結元元愁恨感動天地乎其令中都官三輔郡國出繫囚

罪非犯殊死一切勿案見徒免為庶人務進柔良退貪酷各正厥

事焉後漢書光武本紀

六年五月辛丑詔三輔遭難赤眉有犯法不道者自殊死以下皆

赦除之後漢書光武本紀

七年春正月丙申詔三輔郡國出繫囚非犯殊死皆一切勿案其

罪見徒免為庶民耐罪亡命吏以文除之

後漢書光武帝本紀

和帝永元三年冬十月癸未行幸長安詔曰北狄破滅名王仍降西

域諸國納質內附豈非祖宗迪哲重光之鴻烈歟寤寐歎息想望

舊京其賜行所過二千石長吏以下及三老官屬錢帛各有差鰥

寡孤獨篤癯貧不能自存者粟人三斛

後漢書和帝本紀

十二年夏四月閏月賑貸五原民下貧者穀

後漢書和帝本紀

十三年三月丙午賑貸朔方貧民及孤寡羸弱不能自存者

後漢書和

帝本紀

十四年夏四月庚辰賑貸五原流民下貧穀各有差

後漢書和帝本紀

安帝永初四年春正月辛卯詔以三輔比遭寇亂人庶流冗除三年

逋租過更口算葛藁稟上郡貧民各有差

後漢書安帝本紀

元初元年冬十月乙卯詔除三輔三歲田租更賦口算

後漢書安帝本紀

二年春正月詔稟三輔流冗貧人冬十月遣中郎將任尚屯三輔
詔郡國中都官繫囚減死一等勿笞詣馮翊扶風屯妻子自隨占
著所在女子勿輸亡命死罪以下贖各有差其吏人聚為盜賊有
悔過者除其罪

後漢書安
帝本紀

順帝永和二年冬十月甲申行幸長安所過鰥寡孤獨貧不能自存
者賜粟人五斛庾子幸未央宮會三輔郡守都尉及官屬勞賜作

樂

後漢書順
帝本紀

桓帝延熹二年十二月賜長安民粟人十斛園陵人五斛行所過縣

三斛

後漢書桓
帝本紀

獻帝初平四年夏五月雨水遣侍御史裴茂訊詔獄原輕繫

後漢書
獻帝本

紀李催奏茂擅出囚徒請收之詔曰災異屢降陰雨為害使者啣

命宣布恩澤原解輕微庶合天心欲釋結而復罪之乎

後漢書
董卓傳

興平元年三輔大旱遣使者洗囚徒原輕繫使御史侯汶出太倉

米豆為飢人作糜粥經日而死者無數帝疑賦卹有虛乃親於御

坐前量試作糜乃知非實使侍中劉艾出讓有司侯汶杖五十自

是之後多得全濟後漢書獻帝本紀

晉武帝泰始七年五月雍梁秦三州飢赦其境內殊死已下晉書武帝本紀

惠帝永平六年冬十月乙未曲赦雍涼二州晉書惠帝本紀

八年春正月詔發倉廩賑雍州飢人晉書惠帝本紀

帝奕太和元年九月甲午曲赦梁益二州晉書帝奕本紀

宋高祖永初三年三月秦雍流戶悉南入梁州送紵絹萬疋荆雍州

運米委州刺史隨宜給賦冊府元龜

後魏太武帝神麤三年十有一月庚子赦秦雍之民賜復七年魏書太武

太平真君七年二月丙戌幸長安存問父老

魏書太武帝本紀

文成帝太安五年冬十有二月戊申詔曰朕承洪業統御群有思恢

政化以濟兆民故薄賦斂以實其財輕徭役以紓其力欲令百姓

修業人不匱乏而六鎮二雍偏遇災旱年穀不收其遣開倉廩以

賑之有流徙者諭還桑梓欲市糴他界為關傍郡通其交易之路

若典司之官分職不均使上恩不達於下下民不贍於時加以重

罪無有攸縱

魏書文成帝本紀

孝文帝承明元年八月甲申以長安二蠶多死丐民歲賦之半

魏書孝文帝本紀

紀

太和三年六月辛未以雍州民飢開倉賑恤

魏書孝文帝本紀

十有二年五月丁酉詔關內六郡各修水田通渠溉灌十有二月

詔以雍州民飢開倉賑恤

魏書孝文帝本紀

十有九年六月乙卯曲赦梁州復民田租三歲魏書孝文帝本紀

二十有一年夏四月辛未幸長安乙亥親見高年問所疾苦丙子

遣侍臣分省縣邑賑賜穀帛五月己丑車駕東旋泛渭入河庚寅

詔雍州士人百年以上假華郡太守九十以上假荒郡八十以上

假華縣令七十以上假荒縣庶老以年各減一等七十以上賜爵

三級其營船之夫賜爵一級孤貧鰥寡窮病癘疾各賜帛二匹穀

五斛其孝友德義文學才幹悉仰貢舉魏書孝文帝本紀

宣武帝正始三年八月壬戌曲赦秦岐等五州魏書宣武帝本紀

孝明帝孝昌三年冬十月戊申曲赦關西諸州魏書孝明帝本紀

北周武帝天和元年春正月辛巳露寢成幸之令郡臣賦古詩京邑

耆老並預會焉頒賜各有差周書武帝本紀

建德四年改州民飢關倉賑給周書武帝本紀關中民飢椿表陳其狀

嘗勞感田令所在建倉賑恤周書宇文椿傳

隋文帝開皇二年上幸岐州下詔曰賞以勸善義兼訓物岐州刺史

梁彥光探履平直識用凝遠布政岐下威惠在人庶慎之譽聞於

天下三載之後自當遷陟恐其匱乏且宜旌善可賜粟五百斛物

三百段御傘一枚庶使有感朕心日增其美四海之內凡曰官人

慕高山而仰止聞清風而自勵未幾又賜錢五萬隋書循吏傳

四年九月乙丑幸灞水觀漕渠賜督役者帛各有差隋書文帝本紀

五年五月工部尚書長孫平奏曰去年亢陽關內不熟陛下哀愍

黎元甚於赤子運山東之粟置常平之倉開發倉廩晉加賑賜隋書

食貨志

六年八月辛卯關內七州旱免其賦稅隋書高祖本紀命司農丞王亶發

廣通之粟三百餘萬石以拯關中又發故城中周代舊粟賤糶與

入買牛驢六千餘頭分給尤貧者令往關東就食隋書食貨志

七年十月行幸同州以先帝所居降囚徒冊府元龜

十四年關中大旱民飢上遣左右視民食得豆屑雜糠以獻為之

流涕不御酒肉殆將一期乃帥民就食於洛陽救斥候不得輒有

驅逼遇扶老携幼輒引馬避之至艱險之處見負擔者令左右扶

助之文獻通考

煬帝大業三年四月甲申關內給復三年隋書煬帝本紀

四年秋七月發丁男二十餘萬築長城自榆谷而東九月辛巳詔

免長城役者一年租賦隋書煬帝本紀

十二年百姓飢饉義師入長安發永豐倉以賑之隋書食貨志

唐高祖武德二年二月武功人嚴甘羅行劫為吏所拘高祖謂曰汝

何為作賊甘羅言飢寒交切所以為盜高祖曰吾為汝君使汝窮